

14
1911
169



門 44
號 1911
卷 916

生南贛書

進勦泃頭賊方略

照得撫屬龍川縣地名泃頭積年老賊池大人等不時糾眾突
出河源翁源安遠龍南信豐等處攻打城池殺擄人口先年亦
嘗征勦皆因預失防禦以致漏網後雖陽為聽招其實陰圖不
軌班師未幾肆出劫掠數年以來民受荼毒控告紛紜有不忍
言若不趁時計勦地方何以寧謐為此仰抄案回道會同分守
守備等官卽行該府知府陳祥速將合用糧餉等項一面從長
議處一面卽於所屬選集精壯驍勇曾經戰陣機快兵壯人等

早稻 大學 圖書館
36. 7. 5 號
藏 書

三千名少或二千名各備鋒利器械編成隊伍坐委素能謀勇
官員統領一面密行龍川河源等附近賊巢等縣亦各選募慣
戰殺賊兵快二千名委官分押督同近巢知因被害義官新民
頭目人等分截要路就仰知府陳祥總督諸軍親至賊巢去處
指畫方略尅期進剿仍行先取知因鄉導數十人令其備將賊
巢道路險易畫圖貼說要見某處平坦人馬可以直搗某處險
阻可以把截某處係賊必遁之路可以設伏邀擊某處賊所不
備可以間道撲掩各要一一詳察停當務盡機宜具飭連圍差
人馬士游報以憑差官齎執令旗令牌尅期併力進攻必使根

株悉拔噍類無遺以靖地方


尅期進勦牌

案照刑頭老賊池大鬚等不時糾眾攻打城池殺擄人口屢征屢叛近年以來陰圖不軌惡焰益熾除將賊首池仲容設計擒獲外其餘在巢賊黨若不趁機速勦不無禍變愈大地方何繇安息本院已先密切分布哨道行仰知府陳祥統領與史姚思衡驛丞何春巡簡張行報効生員陳經世新民盧琢等官軍從和平入攻熱水巢五花障巢鐵石障巢直搗中泐大巢知府邢珣統領知縣王天與典史梁儀并老人葉秀芳黃啟濟義官吳明等官兵從大平入攻芳竹湖巢白沙巢黃田均巢中村巢直

南朝書 卷之八 三
搗上泐大巢指揮姚重統領新民梅南春等兵從烏虎鎮入攻
淡方巢石門山巢直搗岑岡大巢指揮余恩統領百長王受黃
金巢等兵從龍子嶺入攻溪尾巢塘涵洞巢古地巢空背巢直
搗下泐大巢千戶孟俊統領義官陳英鄭志高新民盧琢等軍
兵從和平入攻平地木巢大門山巢黃狗坳巢直搗中泐大巢
推官危壽統領義民葉芳百長孫洪舜等官兵從南步入攻脫
頭石巢鎮里寨巢羊角山巢直搗中泐大巢知府季敦兵從信
豐縣黃田岡入攻新田逕巢古地巢縣丞舒富兵從信豐縣烏
逕入攻旗嶺巢頓岡巢及行仰守備指揮郝文監督指揮姚奎

余恩千戶孟俊等三哨官兵分路進勦本院亦自行督領帳下
隨征官屬兵快人等從冷水逕直搗下泐大巢親自督戰刻期
俱於本年正月初七日寅時四路並進外牌仰兵備副使楊璋
不妨本道事務遵照本院欽奉勅諭事理前去軍前紀驗功次
處置糧餉及行催督各哨官兵依期進勦所獲功次務要審驗
明白從實紀錄仍候巡按紀功御史至日覆實照例造冊奏繳
及造青冊一本送院查考其軍中一應進止機宜俱仰密切呈
來定奪

分佈哨道寇已在掌中



祭涑頭山神文

維正德十三年戊寅二月十五日甲申提督軍務都御史王某
 謹以剛鬣柔毛昭告於涑頭山川之神唯廣谷大川阜財興物
 以域民畜眾故古者諸侯祭封內山川亦唯其有功於民然地
 靈則人傑人之無良亦足以為山川之羞茲上為盜賊所盤據
 且數十年遠近之稱涑頭者皆曰蛾巢耻莫大焉是豈山川之
 罪哉雖然清冽之井糞穢而不除久則同於厠溷矣丹鳳之穴
 鳴狐聚而不去久則化為妖窟矣糞穢之所過者掩鼻妖孽之
 窟人將持刃燔燎環而攻之何者其積聚招致使然也誠使除

其糞穢刮剝滌蕩將不終朝而復且清冽鷓鴣逐而鸞鳳歸妖孽之窟還爲孕祥育瑞之所矣今茲土之山川亦何以異於是守仁奉天子明命來鎮西陲憤荆賊之克悖民苦荼毒無所控顧故邇者計擒渠魁提兵搗其巢穴所向克捷動獲如意期因人怨神怒天人相應之理將或茲土山川之神厭惡克飛思一洗其積孽陰有以相協假手於予今駐兵彌月雖巢穴掃蕩十且八九然漏殄之徒尙有潛逃小民不能無怨於山川之神爲之遁逃王萃淵藪也今予提兵深入豈獨除民之害亦爲山川之神雪其耻夫安舊業稟新圖非中人之情而况於鬼神乎今

此殘徒勢弱力屈亦方遣人投招將順而撫之則慮其無草心之誠復遺患於日後逆而弗受又恐其或出於誠心殺之有不忍也神其陰有以相協使此殘寇而果誠心邪卽益佑其哀俾盡攜其黨類自縛來投若水之赴壑子將隄沼停音之如其設訐懷奸卽陰奪其魄張我軍威風驅電掃一鼓而殲之茲唯下民之福亦唯神明之休壇而祀之神亦永永無忤唯神實鑒圖之

涇頭捷音疏

據江西按察司分巡嶺北道兵備副使楊璋呈據一哨統兵守備南贛二府地方以都指揮體統行軍指揮使郝文呈稱統領安遠縣義民孫洪舜等兵於本年正月初七日攻破曲潭等巢十一日攻破半遷等巢共五處二月二十六日與賊戰於水源等成擒斬大賊首吳積祥陳秀謙張秀鼎等七名顆賊從陳番九等一百二十六名顆俘獲賊屬男婦五十六名口燒毀賊巢房屋禾倉二百五十三間及奪獲器械等物二哨統兵贛州府知府邢珣呈稱督同同知夏克義知縣王天與典史梁儀老人

南贛書 卷之八
葉秀芳等官兵於正月初七等日攻破芳竹湖等巢初九日攻
破黃田坳等巢共四處二十五等日覆賊於白沙二月十六日
與賊戰於芳竹湖等處擒斬大賊首黃佐張廷和王蠻師劉欽
等一十名顛賊從黃密等二百六十名顛俘獲賊屬男婦八十
三名且燒毀賊巢房屋木倉二百二十二間及奪獲賊仗牛馬
等項三哨領兵廣東惠州府知府陳祥呈稱督同通判徐璣新
民盧琢等官兵於正月初七等日攻破熱水等巢初九等日攻
破鐵石障等巢共五處二十五等日覆賊於五花障等處二月
初二等日與賊戰於和平等處擒斬大賊首陳活鵠黃宏閩張

玉林等十一名顛賊從李廷祥四百三十一名顛俘獲賊屬男
婦一百二十名口燒毀賊巢房屋禾倉五百七十二間及奪獲
器械賊銀牛馬等項四哨統兵南安府知府李敷呈稱統領訓
導藍鐸百長許洪等官兵於正月初三等日攻破右坑等巢十
一日攻破新田逕等巢共四處二十七等日覆賊於北山又與
戰於風門奧等處擒斬大賊首劉成珍等四名顛賊從胡貴琢
等一百三十名顛俘獲賊屬男婦一百六十五名日燒毀賊巢
房屋禾倉七十三間及奪獲賊銀等物五哨統兵贛州衛指揮
僉事余恩呈稱統領新民百長王受黃金巢等兵於正月初七

日會同推官危壽千戶孟俊攻破上中下三洲大巢十一日攻
破空背等巢共四處二十五日覆賊於銀坑水等處擒斬大賊
首賴振祿王貴洪李全鄒一唯等九名顆賊從賴賤仔等三百
五十名顆俘獲賊屬男婦六十二名日燒毀賊巢房屋禾倉三
百二十一間及奪獲器械牛馬等項六哨統兵贛州衛指揮僉
事姚璽呈稱統領新民梅南春等兵於正月初七日攻破淡方
等巢初九日攻破岑岡等巢共四處二十七日覆賊於烏虎鎮
擒斬大賊首謝鑾曾用奇等五名顆賊從盧任龍一百九十九
名顆仔獲賊屬男婦一百一十二名日燒毀賊巢房屋禾倉三

百七十間及奪獲器械牛馬等項七哨統兵贛州府推官危壽
呈稱統領義官葉芳等兵於正月初七日會同指揮余恩千戶
孟俊攻破上中下三洲大巢初十等日攻破鎮里寨等巢共四
處二十七日覆賊於中村等處擒斬大賊首池仲寧高允賢池
仲安朱萬林根等十二名顆賊從黃穩等二百一十一名顆俘
獲賊屬男婦三十三名日燒毀賊巢房屋禾倉三百二十三間
及奪獲賊仗牛馬等項八哨統兵贛州衛千戶孟俊呈稱統領
義官陳英鄭志高新民盧珂等兵於正月初七等日會同指揮
余恩推官危壽攻破上中下三洲大巢初十等日攻破大門山

等巢共六處擒斬大賊首謝鳳經吳宇張廷興石榮等九名顆
賊從張角子等一百九十二名顆俘獲賊屬男婦一百四十三
名口燒毀賊巢房屋禾倉一百七十三間及奪獲器械牛馬賊
銀等項九哨統兵南康縣縣丞舒富呈稱統領義民趙志標等
兵於正月十一等日攻破旗嶺等巢共二處二月十四日與賊
戰於乾村等處擒斬賊從劉三一一百七名顆俘獲賊屬男婦二
十一名口燒毀賊巢房屋禾倉五十三間及奪獲器械等物等
因各呈報到道查得先為地方緊急賊情事據信豐縣所呈稱
正德十二年二月初七日龍南縣賊首黃秀魁糾獲廣東賊首

池仲容等突來本縣殺人放火見今攻劫不退乞要發兵救援
等因該本道議委經歷王祚縣丞舒富領兵勦捕斬獲賊級四
顆被賊殺死報効義士楊香舉等十名執去經歷王祚隨該本
道親詣該縣暫將各賊招充發回原巢經歷王祚送出悉將失
事知縣王天爵盧鳳千戶鄭鐸朱誠洪恩王簿周鎮鎮撫劉鎰
等俱各有罪及將前賊應勦緣由呈詳轉達具奏外正德十三
年正月初三日奉提督軍門紙牌議照上猶等縣賊巢既平廣
東龍川縣瀨頭等處賊巢奉有成命應該會勦其大賊首池
仲容等本院已行計誘擒獲見今軍勢頗振若不乘此機會出

其不意搗其不備坐視以待廣兵之來未免有失事機之會本
院除遵奉勅諭內自行量調官軍設法勦捕事理部勒兵眾分
布哨道行仰守備指揮并知府等官郊文陳祥等統領各稜進
止方略外備行本職前去軍前紀驗功次及催各哨官兵上緊
依期進勦仍行巡按衙門前來覈實施行等因隨呈巡按江西
監察御史屠僑批行本道先行紀驗明白通候覈實施行依奉
督率各省官兵依期進勦去後今據前因除將前項功次俱類
巡按衙門會審紀驗明白生擒賊犯解赴提督軍門斬首梟示
賊屬男婦變賣銀兩器械賊仗賊銀俱停庫外悉照湖頭大賊

首池仲容池仲寧池仲安高九賢李全等盤據一方歷有歲年
僭稱王號偽設官職廣東翁源龍川始興汀西龍南信豐安遠
會昌等縣屢被攻圍城池殺害官軍焚燒村寨虜殺男婦歲無
虛日曾經狼兵夾攻數次俱被漏網是乃眾賊奸雄之巨擘三
省羣盜之根源也今幸天奪其魄仲容束手就擒仲寧仲安等
一時授首各巢賊從擒斬殆盡永期安輯呈乞賜詳轉達等因
據呈到臣卷查先為地方緊急賊情事准兵部咨該巡按江西
監察御史屠僑奏該本部覈題節奉聖旨是這地方賊情着都
御史王守仁自行量調官軍設法勦捕欽此及為申明賞罰以

勵人心事准兵部覆題請勅南贛等處都御史假以提督軍務
名目給與旗牌應用以振軍威一應軍馬錢糧事宜徑自便宜
區畫如遇盜賊入境即便調兵勦殺不許踵襲舊弊招撫重爲
民患所部官軍若在軍前違期逗遛退縮俱聽以軍法從事生
擒盜賊亦聽斬首示眾賊級聽本處兵備會同該道守巡官卽
時紀驗明白備行江西按察司造冊奏繳查照勦殺南方蠻賊
見行舊例議擬陞賞等因具題奉聖旨是王守仁着提督南贛
汀漳等處軍務換勅與他其餘事宜各依擬行欽此又爲地方
緊急賊情事准兵部覆題看得所奏攻治盜賊二說就合差來

人賚文交與都御史王守仁悉依前項申明賞罰事理便宜行
事期於功成不限以時相機攻勦等因具題節該奉聖旨是欽
此陸續備咨到臣俱經通行撫屬四省各道守巡兵備守備等
官一體欽遵并咨總督兩廣左都御史陳金查照外續該臣看
得南贛盜賊其在南安之橫水桶岡諸巢則接壤於湖郴在贛
州之瀏頭桶岡諸巢則連界於閩廣接壤於湖郴者賊眾而勢
散恃山谿之險以爲固連界於閩廣者賊狡而勢聚結黨與之
助以相援臣等遵奉勅諭及查照兵部咨示方略初議先攻橫
水次攻桶岡而末乃與廣東會兵徐圖瀏頭如攻堅木先其易

者後其節目自正德十二年九月臣等議將進兵橫水恐泐賊
乘虛出擾思有以沮離其黨臣乃自爲告諭具述禍福利害使
報効生員黃表義民周祥等往諭各賊因皆賜以銀布一時賊
黨亦多感動各寨酋長黃金巢劉遜劉粗眉溫仲秀等遂皆願
從表等出投唯大賊首池仲容卽池大贊獨憤然謂其眾曰我
等做賊已非一年官府來招亦非一次此亦何足爲憑待金巢
等到官後果無他說我等遣人出投亦未爲晚其時臣等兵力
既未能分意且羈縻令勿出爲患故亦不復與較金巢等至臣
乃釋其罪推誠厚撫各願出力殺賊立効於是藉其眾五百餘

悉以爲兵使從征橫水十月十二日臣等已破橫水仲容等聞
之始懼計臣等必且以次加兵於是集其酋豪池仲寧高飛甲
等謀使其弟池仲安率老弱二百餘徒亦赴臣所投招求隨衆
立効意在緩兵因而窺覘虛實乘間內應臣逆知其謀陽許之
及臣進攻桶岡使領其眾截路於上新地以遠其歸途內嚴警
禦之備以防其變外示寬假之形以安其心陰使人分召鄰賊
諸縣被賊害者皆詣軍門計事旬日之間至者數十問所以攻
勦之策皆以此賊狡詐兇悍非比他賊其出劫行剽皆有深謀
人不能測自知惡極罪大國法難容故其所以扞拒之備亦極

險譎前此兩經夾勦皆狼兵二三萬竟亦不能大捷後雖敗遯所殺傷亦略相當近年以來奸謀愈熟惡焰益熾官府無可奈何每以調狼兵恐之彼輒謾曰狼兵易與耳縱調他來也須半年我縱避他只消一月其意謂狼兵之來不能速其留不能久也是以益無忌憚今已僭號設官奸計逆謀尤非昔比必欲除之非大調狼兵事恐難濟臣以爲兵無常勢在因敵變化而制勝今各賊狃於故常且謂必待狼兵而後敢攻此所以不必狼兵而可以攻之也乃爲密畫方略使數十人者各歸部集候我兵有期則據隘遏賊十一月賊聞臣等復破桶岡益懼爲戰守

備臣使人至賊所賜各酋長牛酒以察其變賊度不可隱則詐稱龍川新民盧珂鄭志高等將掩襲之是以密爲之防非敢虞官兵也臣亦陽信其言因復陽怒盧珂鄭志高等擅兵讐殺移檄龍川使廉其實且趣各賊伐木開道將回兵自剡頭取道往討之賊聞以爲臣等實有爲之之意又恐假道伐之且喜且懼因遣來謝且請無勞官兵當悉力自防禦盧珂鄭志高陳英者皆龍川舊招新民有眾三千餘遠近皆爲仲容所脇而三人者獨與之抗故賊深讐忌之十二月望臣兵回至南康盧珂鄭志高等各來告變謂他仲容等僭號設官今已點集兵眾號召遠

近各巢賊首授以總兵都督等偽官使三省夾攻之兵一至卽
明云王即仲容同時並舉行其不軌之謀及以偽授盧珂等官爵金龍霸王印
號謂有此印信之文書信文書一紙粘狀來首臣先已諜知其事及珂等來卽陽怒以
 爲爾等擅兵仇殺投招之人罪已當死今又造此不根之言乘
 機誣陷且池仲容等方遣其弟領兵報効誠心向化安得有此
 遂收縛珂等將斬之時池仲安之屬方在營見珂等入首大驚
 懼至是皆喜羅拜懽呼競訴珂等罪惡臣因亦陽令具狀謂將
 并徇其黨屬盡斬之於是遂械繫盧珂而使人密喻以陽怒之
 意欲以誘致仲容諸賊且使盧珂等先遣人歸集其眾候珂等

既還乃發臣又使生員黃表聽選官雷濟往喻仲容使勿以此
 自疑密購其所親信陰說之使自來投訪二十日臣兵已還贛
 乃張樂大亨將士下令城中今南安賊巢皆已掃蕩而剗頭新
 民又皆誠心歸化地方自此可以無虞民久勞苦亦宜暫休爲
 樂遂散兵使各歸農示不復用而使池仲安亦領眾歸助其兄
 防守且云盧珂等雖已繫於此恐其黨致怨或掩爾不虞仲安
 歸具言其故賊眾皆喜臣又使指揮余恩賚歷往賜仲容等令
 毋撤備以防盧珂諸黨賊眾益喜黃表雷濟因復說仲容今官
 府所以安輯勞來爾等甚厚何可不親往一謝况盧珂等日夜

哀祈反狀乞官府試拘爾等若拘而不至者即可以證反狀之實今若不待拘而往因面訴珂等罪惡官府必益信爾無他而謂珂等為詐殺之必矣所購親信者復從力贊仲容然之乃謂其眾曰若要仲先用屈贛州使倆亦須親往勘破遂定議率其麾下四十餘人目詣贛臣使人探知仲容已就道乃密遣人先行屬縣勒兵分哨道候報而發又使千戶孟俊先至龍川督集盧珂鄭志高陳英等兵然以道經涇州恐搖諸賊則別賣一牌以拘捕盧珂等黨屬為名各賊聞俊往果遮迎問故俊出牌視之乃皆羅拜相爭導送出境俊已至龍川始發牌部勒盧珂等

兵眾賊聞之皆以為拘捕其屬不復為意閏十二月二十三日仲容等至贛見各營官兵皆已散歸而街市多張燈設戲為樂信以為不復用兵密賂獄卒私往覘盧珂等又果械繫深圍仲容乃大喜遣人歸報其屬曰乃今吾事始得萬全矣臣乃夜釋盧珂鄭志高等使馳歸發兵而令所屬官僚次設羊酒日犒仲容等以緩其歸正月三日度盧珂等已至家所遣屬縣勒兵當已大集臣乃設犒於庭先伏甲士引仲容入并其黨悉擒之出盧珂等所告狀訊鞫皆伏遂寘於獄而夜使人趨發屬縣兵期以初七日同時入巢於是知府陳祥兵從龍川縣和平都入指

按股若誅仲容等是矣

盜而之

陶云天士下將軍

百長王受兵首與賊遇大戰良久賊敗却王受等奮追里許賊
伏兵四起奮擊王受推官危壽所領義官葉芳兵鼓噪而前復
奮擊賊伏兵後千戶孟俊兵從旁繞出岡背橫衝賊伏與王受
合兵於是賊乃大敗奔潰呼聲震山谷我兵乘勝逐北遂克上
中下三洲各哨官兵遙聞三洲大巢已破皆奮勇齊進各賊皆
潰敗知府陳祥兵遂破熱水巢五花障巢指揮姚璽兵遂破淡
方巢石門山巢上下陵巢知府邢珣兵遂破芳竹湖白沙巢守
備指揮郝文兵遂破曲潭巢赤塘巢知府季敦兵遂破右坑巢
三坑巢是日擒斬首從賊人賊級俘獲賊屬男婦牛馬器仗數
併勢迎敵於龍子嶺我兵聚為三衝犄角而前指揮余恩所領
容報謂贛州兵已罷歸皆已弛備散處各巢至是驟聞官兵四
路並進皆驚懼失措乃分投出禦而悉其精銳于餘據險設伏
從信豐縣烏逕入臣自率帳下官兵從龍南縣冷水逕直搗下
平入知府邢珣兵從龍南縣太平保入守備指揮郝文兵從龍
南縣冷水逕入知府季敦兵從信豐縣黃田岡入縣丞舒富兵
從信豐縣烏逕入臣自率帳下官兵從龍南縣冷水逕直搗下
洲大巢而使各哨分路同時並進會於三洲先是賊徒得他伸
路並進皆驚懼失措乃分投出禦而悉其精銳于餘據險設伏
併勢迎敵於龍子嶺我兵聚為三衝犄角而前指揮余恩所領

百長王受兵首與賊遇大戰良久賊敗却王受等奮追里許賊
伏兵四起奮擊王受推官危壽所領義官葉芳兵鼓噪而前復
奮擊賊伏兵後千戶孟俊兵從旁繞出岡背橫衝賊伏與王受
合兵於是賊乃大敗奔潰呼聲震山谷我兵乘勝逐北遂克上
中下三洲各哨官兵遙聞三洲大巢已破皆奮勇齊進各賊皆
潰敗知府陳祥兵遂破熱水巢五花障巢指揮姚璽兵遂破淡
方巢石門山巢上下陵巢知府邢珣兵遂破芳竹湖白沙巢守
備指揮郝文兵遂破曲潭巢赤塘巢知府季敦兵遂破右坑巢
三坑巢是日擒斬首從賊人賊級俘獲賊屬男婦牛馬器仗數

多其餘墮崖填谷死者不可勝計是夜賊復奔聚未破巢穴次日早乃令各哨官兵探賊所往分投急擊初九日知府陳祥兵破鐵石障巢羊角山巢獲賊首金龍霸王印信旗袍知府邢珣兵破黃田坳巢指揮姚璽兵破岑岡巢指揮余恩兵破唐含洞巢溪尾巢初十日千戶孟俊兵破大門山巢推官危壽兵破鎮里寨巢十一日知府邢珣兵破中村巢守備郝文兵破半逕巢都坑巢尺八嶺巢知府季敦兵破新田逕巢古池巢指揮余恩兵破空背巢縣丞舒富兵破旗嶺巢頓岡巢十三日千戶孟俊兵破狗脚坳巢水晶洞巢五湖巢藍州巢十六日推官危壽兵

破風盤巢茶山巢連日各擒斬首從賊人賊級并俘獲賊屬男婦牛馬器仗數多然各巢奔散之賊其精悍者尙八百餘徒復哨聚九連大山扼險自固當臣看得九連山勢極高橫亘數百餘里四面斬絕我兵既不得進而其內東接龍門山後諸處賊巢以百數若我兵進逼賊必奔往其間誘擊諸巢相連而起勢益難制然彼中既無把截之兵欲從傍縣潛軍斷其後路必須半月始達緩不及事止有賊所屯據崖壁之下一道可通然賊已據險妙妙自上發石滾木我兵百無一全於是乃選精銳七百餘人皆衣所得賊衣佯若奔潰者乘暮直衝賊所據崖下澗道而

過賊以爲各巢敗散之黨皆從崖下招呼我兵亦佯與呼應賊疑不敢擊已度險遂扼斷其後路次日賊始知爲我兵并勢衝敵我兵已據險從上下擊賊不能支乃退敗臣度其必潰預令各哨官兵四路設伏以待賊果分隊潛遁二十五日知府陳祥兵覆賊於五花障知府邢珣兵覆賊於白沙指揮余恩兵覆賊於銀坑水二十七日指揮姚璽兵覆賊於烏虎鎮推官危壽兵覆賊於中村知府季敬兵覆賊於北山又戰於風門奧其餘奔散殘黨尙三百餘徒分逃上下坪黃田均諸處各哨官兵復黏踪會追二月初二日知府陳祥兵復與賊戰於平和初五日復

戰於上耳下坪初八日推官危壽指揮余恩兵復與賊戰於黃岡十二日知府陳祥兵復與賊戰於鐵障山十四日縣丞舒富兵復與賊戰於乾村又戰於梨樹十四日知府邢珣季敬兵復與賊戰於芳竹湖二十三日縣丞舒富兵復與賊戰於北順又戰於和洞二十六日守備郝文兵復與賊戰於水源戰於長吉戰於天堂寨連日擒斬首從賊人賊級數多三月初三日據鄉導人等四路瓜探皆以爲各巢積惡克狡之賊皆已擒斬略盡唯餘黨張仲全等二百餘徒其間多繫老弱及遠近村寨一時爲賊所驅脇從惡未久之人今皆勢窮計迫聚於九連谷口呼

痛哭誠心投招臣遣報効生員黃表往驗虛實果如所探因引其甲首張仲全等數人前來投見訴其被脇不得已之情臣量如責治隨遣知府邢珣往撫其眾藉其名數遂安插於白沙初七日據知府邢珣等呈稱我兵自去歲二月從征閩寇迄今二年有餘木獲少休今幸各巢賊已掃蕩餘黨不多又蒙俯順招安況今陰雨連綿人多疾疫兼之農功已動人懷耕作合無俯順下情還師息眾於義官葉芳等併各鄉村居民亦告前情臣因親行相視險易督同副使楊璋知府陳祥等經理立縣設隘可以久安長治之策留兵防守而歸蓋本年正月初七日起


至三月初八日止前後兩月之間通共搗通巢穴三十八處擒斬大賊首二十九名顆次賊首三十八名顆賊從二千零六名顆俘獲賊屬男婦八百九十名日奪獲牛馬二百二十二隻匹器械賊仗二千八百七十件把賊銀七十兩六錢六分總計擒斬俘獲奪獲共五千九百五十五名顆日隻匹件把俱經行令兵備等官審驗紀錄仍行紀功御史嚴實施行具由呈報去後今據前因臣等會同江西巡按御史屠喬廣東巡按御史毛鳳泰照大賊首地仲容等荼毒萬民騷擾三省陰圖不軌積有年歲設官僭號罪惡滔天比之上猶諸賊尤為桀驁難制蓋上猶

諸賊雖有僭竊不軌之名而徒唯劫掠焚燒是嗜至於剽頭諸賊雖亦剽劫擄掠是資而實懷僭擬割據之志故其禍致四方無藉隱匿遠近妖邪日夜規圖漸成奸計兼之賊首池仲容池仲安等又皆力搏猛虎捷躡飛猱克惡之名久已著聞四方賊黨素所向服是以負固恃頑屢征益熾前此知其無可奈何亦唯苟且招安以幸無事其實無救荼毒之慘益養奸宄之謀今乃臣等驅不練之兵資缺乏之費不踰兩月而破奸雄不制之虜以除三省數十年之患此非朝廷威德廟堂成算何以及此臣等切惟天下之事成於責任之專一而敗於職守之分携就

今事而言前此嘗夾攻二次計勦數番以兵則前者強而今者弱前者數萬而今者數千以時則前者期年而今者兩月以費則前者再倍而今者什一以任事之人則前者多智謀老練之士而今者乃若臣之迂疎淺劣然而計功較績固反有加於昔何哉實由朝廷之上明見萬里洞察往弊處置得宜既假臣以賞罰之權復改臣以提督之任既以兵忌遙制而重各省專征之責又慮事或牽掣而抑守臣干預之請授之方略而不拘以制責其功成而不限以時以故詔旨一頒而賊先破膽奪氣咨文一布而人皆踴躍爭先効謀者知無沮撓之患而務竟其功

希賞者知無侵削之弊而畢致其死是乃所謂得先勝之算於
廟堂收折衝之功於樽俎實用兵之要道制事之良法也事每
如此天下之治有不足成者矣臣等偶明任使何幸濫竽成功
敢於獻捷之餘拜手稽首以賀伏願皇上推成功之所自原發
縱之有因庶無僭賞以旌始謀及照兵備副使楊璋監軍給餉
紀功督戰備歷辛勤宜加顯擢守備指揮邾文知府陳祥邢珣
季敷推官危壽指揮余恩姚璽及千戶孟俊縣丞舒富等皆身
親行陳屢立戰功俱合獎擢庶示激揚以爲後勸臣本凡庸繆
當重任偶逢事機之會幸免覆餗之誅然功非其才福已逾分

遂沾痲痺之疾既成廢棄之人除已別行請罪乞休外緣係捷
音及該兵部議擬期於成功不限以時題奉欽依事理爲此具
大題



平洲頭碑

四省之寇惟洲尤黠擬官僭號潛圖孳亟正德丁丑冬峯猺既
殄益機險阱毒以虞王師我乃休士歸農戊寅正月癸卯計擒
其魁遂進兵擊其憚丁未破三洲乘勝歸北大小三十餘戰滅
巢三十有八俘斬三千餘三月丁未回軍壺漿迎道耕夫遍野
父老咸歡農器丕陳於今五年復我常業還我室廬伊誰之力
赫赫皇威匪威曷憑爰伐山石用紀厥成提督軍務都御史王
巢書

再批致勦河源賊巢呈

據廣東嶺東道僉事朱昂等會呈河源縣賊巢一十三處勢相
聯絡互爲應援賊首吳何俊等并帽子峯賊首譚廣護等招亡
網叛不止二千餘眾累歲荼毒生靈况又僭稱天王總兵都督
等號罪惡滔天人神共怒必須請調大兵勦絕根絲庶足以雪
軍民之冤但此黠賊性尤克強必藉狼兵可以搗巢攻寨大約
以軍兵二萬有餘方克濟事合行布政司查議糧餉并賞功銀
兩等項又據惠州府云云看得賊眾兵寡委難集事但動調狼
兵亦利害相半况開報賊巢前後不同合用糧實俱合預行查

處爲此仰抄案回道會同各守巡兵備等官將各巢穴再行備
細查訪若果賊巢眾多官兵分哨不敷必須添調狼兵仰卽徑
自呈請該省總督等衙門上緊起調若見在官兵略以足用可
以不調狼兵亦免騷擾地方就仰選委謀勇官督同府衛縣所
等官將各漢達官軍兵快鄉夫預先起集選練於該府及近賊
縣分密切屯劄勿令張揚候剋期已定然後晝伏夜行出其不
意併擊合勦合用糧餉賞功等銀備行廣東布政司查照上年
大征事體及時措備毋致臨期誤事如是兵糧措置俱已齊備
仰卽馬上差人飛報軍門以憑親臨督戰或差官齎執令旗令

牌分督進勦其各賊奔遁關隘相應江西防截者亦要上緊查
報以憑調發各毋稽違致有失誤國典具存決難輕貸先選熟
知賊情三四人赴軍門聽用軍中一應進止或未盡機宜應呈
報者亦就上緊呈報仍呈總鎮鎮守巡按等衙門查照知會
用兵全在調度得宜本處官兵鄉快自然足用惟陰所以能
驅市人而使之戰也如止靠調狼兵未有不至激變生事者
如數年來黔蜀東土俱因調兵起禍惜未有以先生之說告
之者

案行漳南道守巡官戴罪督兵勦賊

據福建漳南道右叅政艾洪等呈准左叅政陳策副使唐澤手
本該三司遵依議委各職隨軍紀功運謀經各依蒙前詣南靖
縣小溪中營任札查理軍情審驗功次大約賊眾以四分爲率
一分就擒一分聽撫俱已審驗查處明白一分遠遁廣東境界
一分深藏本處山谷狼子野心絕崖峻嶺易以計破難以兵碎
必須通將調募見在官軍二萬二千餘名再加議處減冗兵以
省費留精兵以守險待賊饑疲隨加撫勦庶幾軍餉不饑農業
不廢節據各哨委官連日稟報各賊恃居險阻公然拒敵官軍

不聽招撫合無繼處本省錢糧以堅自守之謀催請廣東狼兵以助夾攻之計等因隨據叅政陳策等呈據鎮海衛指揮高偉呈指揮覃桓縣丞紀鏞被大傘賊眾突出馬陷深泥被傷身死等因到院簿查先據叅政陳策等呈已經批各官酌量事機公同會議如是賊雖據險而守尙可出其不意掩其不備則用鄧艾破蜀之策從間道以出奇若果賊已盤據得地可以計困難以兵克則用克國破羌之謀減冗兵以省費務在防隱禍於顯利之中絕深姦於意料之外萬全無失僉謀皆同然後呈來定奪去後今據前因叅照指揮高偉既奉差委督哨自合與覃桓

等相度機宜協謀並進却乃孤軍輕率中賊姦計雖稱督兵救援先亦頗有斬獲終是功微罪大難以贖準廣東通判陳策指揮黃春千百戶陳洪鄭芳等既與覃桓等面議夾攻眼見摧敗略不應援挫損軍威壞事匪細俱屬違法各該領兵守備兵備守巡等官督提欠嚴亦屬有違合就通行叅究但在緊急用人之際姑且記罪查勘督勦及照添調狼兵一節案查該省節呈兵糧預備已久惟俟尅日進攻今始成軍而出一遇小挫輒求濟師况動調狼兵往返數月非但臨渴掘井緩不及事兼據見在官兵二千有餘數已不少兵貴善用豈在徒多况稱糧餉缺

之正宜減兵省費安可益軍置財除廣東坐視官員及應否動
調狼兵另行查議外仰抄案回道查勘指揮覃桓縣丞紀鏞是
否領兵夾攻被傷身死各官原領軍兵若干見在若干其指揮
仲欽推官胡寧道知事會瑤知縣施祥等緣何不行策應是否
畏避退縮俱要備查明白從實開報其覃桓等所統軍兵就仰
高偉管領戴罪殺賊立功自贖仍仰福建布政司作急查處堪
以動支銀兩就呈鎮巡衙門知會差官領解軍前接濟一面備
數呈來以憑查考不許稽遲致悞軍機各該官員俱要奮勇協
心乘機進勦毋頓兵造制以失機宜毋坐待狼兵以自懈弛務

須連營犄角以壯我軍之威更休迭出以蓄我軍之銳多方以
誤賊人之謀分攻以疲賊人之守掃蕩巢穴靖安地方則東隅
可收於桑榆大捷不計其小挫事完之日通查功罪呈來以憑
酌量叅奏

讀此知近日小小失事使稱眾寡不敵請兵應援者其胸中
原絕無勝算雖益兵安能成事

案行領兵官搜勦餘賊

據福建左叅政陳策副使唐澤會案呈准漳南道叅政艾洪僉事胡璉手本督據委官指揮徐麒等呈稱督領軍兵粘蹤追賊至象湖山賊寨連營拒守遵奉本院密諭佯言犒眾退兵俟秋再舉密切部勒諸軍乘懈奮擊云云除將擒斬功次審驗監候臬檄外呈乞照詳等因到院卷查先准兵部咨前事已經備行福建廣東二省漳南嶺東二道守巡兵備守備等官欽遵調兵上緊相機勦撫并將進兵方略行仰各官密切遵照施行敢有故違悉以軍法論處去後續據福建布政二司守巡漳南道右

百章書
卷之八
泰政等官艾洪等呈據委指揮高倬呈稱督同指揮等官覃桓等領兵尅期夾攻不意大傘賊眾突出陷入深泥被傷身死廣東官兵在彼坐視不行策救呈詳到院叅看得各官頓兵日久老師費財致此敗衄顯是不奉節制故違方略正行查勘叅提開隨據廣東按察司等衙門僉事顧應祥等官會呈前事開稱約會福建官兵尅期進攻間爪探福建官軍被大傘賊徒殺死指揮覃桓等情各職隨卽統兵策應當獲賊人一名審係賊首羅聖欽執稱餘賊潛入箭灌巢內率領官兵直抵地名白土村遇賊交戰斬獲賊級俘獲賊屬等因呈報前來看得象湖箭灌

最爲峻絕諸巢賊首悉遁其間賊之情悍盡聚於此自來兵力所不能攻今各官雖有前挫隨能密遵方略奮勇協力竟破難克之寨以收桑榆之功計其大捷足蓋小挫但象湖雖破而可塘猶存賊首頗已就擒而餘猾甚多逃遁若不乘此機會速行勦撲薙草存根恐復滋蔓狡兎入穴獲之益難除將功仗另行查奏外爲此仰抄案回道查照先行方略乘此勝鋒急攻可塘破竹之勢不可復緩仍一面分兵搜斬餘猾毋令復聚爲姦罪惡禾稔可招納者還與招納毋縱貪功一概屠戮務收一簣之功勿爲九仞之棄本院卽日自汀州起程前來各營督戰仍與

南寧書
卷之八
各官備歷已破諸賊巢壘共議經久之策抄案
平寇者必除其根方無後患

行廣東領兵官搜勦可塘餘賊

先據福建分巡漳南道右叅政等官艾洪等呈稱指揮覃桓縣丞紀鏞在於廣東大傘地方遇賊抵戰馬陷身死廣東官兵坐視不救呈詳到院叅看得各官頓兵日久老師費財致此敗衄顯是不奉節制故違方略正行查勘叅提聞隨據廣東僉事顧應祥等官會呈開稱爪探福建官軍被大傘賊徒殺死指揮覃桓等各職隨卽統兵策應當獲賊首羅聖欽審稱餘賊潛入箭灌巢內各職卽時率領官兵直抵地名白土村遇賊交戰斬獲賊級甚多并俘獲賊屬等因看得象湖箭灌最為峻絕諸巢賊

首悉遁其間精悍之徒盡聚於此自來兵卒所不能攻今各官雖有前挫然能密遵方略奮勇協力竟破難克之寨以收桑榆之功計其大捷足蓋小挫但象湖雖破而可塘猶存賊首頗已就擒餘猾尚多逃遁薤草存根恐復滋蔓爲此仰該道速督各官乘此勝鋒急攻可塘破竹之勢不可復緩仍一面分兵搜斬餘孽毋令復聚若罪惡未稔可招納者還與招納不得貪功一概屠戮本院卽日自漳州起程前來各營督戰仍與各官備歷已破諸賊巢壘共議經久之策

閩廣捷音疏

據福建按察司整飭兵備兼管分巡漳南道僉事胡璉呈會同分守右叅政艾洪經理軍務左叅政陳策副使唐澤將領都指揮僉事李允督據河頭等哨委官指揮徐麒知縣施祥知事曾瑤等呈稱各職統領軍兵五千餘人進至長富村等處覓得賊眾地險巢穴數多兼且四路裝伏勢甚猖獗期於正德十二年正月十八日等各分哨路從長富村至潤竹洋新洋大豐五雷大小峯等處與賊交鋒前後大戰數合擒斬首從賊犯黃貴等共計四百三十二名顯俘獲賊屬一百四十六名口燒燬房

屋四百餘間奪獲馬牛等項被賊殺死老人許六打手黃富璘等六名餘賊俱各奔聚象湖山拒守各職又統官兵追至蓮花石與賊對劄誠恐賊眾我寡呈乞添兵策應等因到道行據大溪隋指揮高偉呈報統兵約會蓮花石官兵攻打象湖山適遇廣東委官指揮王春等領兵亦至彼境大傘地方卑職與指揮覃桓縣丞紀鏞領兵前去會勦不意大傘賊徒突出卑職等奮勇抵戰覃桓紀鏞馬陷深泥與軍人易成等七名兵快李崇靜等八名俱被戮傷身死卑職亦被戮二鎗勢難抵敵只得收兵暫回聽候緣象湖山係極高絕險自來官兵所不能攻今賊勢

日盛若不添調狼兵稍俟秋冬會舉夾攻恐生他變通行呈稟間續奉本院紙牌為進兵方略事備行各職遵奉密諭佯言犒眾退師俟秋再舉密切部勒諸軍乘懈奮擊依蒙密差義官曾崇秀爪探虛實乘賊怠弛會選精兵一千五百名當先重兵四十二百名繼後分作三路各職統領俱於二月十九日夜啣枚直趨三路並進直搗象湖山奪其隘口各賊雖已失險但其間賊徒頗皆驍勇精悍猶能復壑絕谷超躍如飛復據上層峻險四面飛打滾木礮石以死拒敵我兵奮勇鏖戰自辰至午呼聲震天撼搖山谷三司所發奇兵復從間道鼓噪突登賊始驚潰

大敗我兵乘勝追殺擒斬大賊首黃猫狸游四并廣東大賊首
蕭細弟郭虎等二百九十一名顆俘獲賊屬一百三十三名口
其間墜崖墮壑死者不可勝計奪回水黃牛贓銀鎗刀等物燒
燬房屋五百餘間餘賊潰散復入流恩山岡等巢與諸賊合勢
亦被各賊殺死頭目賴順打手楊緣等一十四名次早各職分
兵追勦指揮高偉推官胡亭道亦統大豐領兵來會仍與前賊
交鋒大戰擒斬首從賊犯巫姐旺等一百六十三名顆俘獲賊
屬一百六名日餘賊敗走各又遞入廣東交界黃蠟溪上下樟
溪大山去訖又據金豐三圍哨委官指揮王鎧李誠通判龔震

等各呈稱賊首曾師富等恃居可湖洞山寨聚糧守險勢甚強
固各職依奉會議分兵五路連日攻打生擒大賊首詹師富江
嵩范克起羅招賢等四名餘賊敗走復入竹子洞等處大山嘯
聚隨又分兵追襲與賊連戰擒首從賊犯范興長等二百三十
五名顆俘獲賊屬八十二名口奪回被擄男婦五名口又奪獲
牛馬等物亦被各賊殺死老人胡文政一名戮傷鄉夫葉永旺
等五名又據指揮徐麟等呈稱黃蠟溪上下漳溪與廣東饒平
縣并本省永定縣山界相連遵依約會廣東官兵并金豐哨指
揮韋鑑大侯哨推官胡寧道等於三月二十一日子時發兵齊

至黃蠟廣東義民饒四等領兵亦至會合我兵三路進攻賊出拒戰甚銳我兵奮勇大噪而前擒斬首從賊犯溫宗富等九十一名顆俘獲賊屬一十三名口餘賊敗走各兵乘勝追至赤石巖仍與大戰良久賊復大敗又擒斬首從賊犯游宗成等一百四十六名顆俘獲賊屬九十名口又據中營委官指揮張鉞百戶呂希良等呈稱領兵追趕黃蠟溪等處逃賊至地名陳呂村遇賊拒戰當陣擒斬首從賊犯朱老叔等六十六名顆俘獲賊屬八名口各另呈解到道轉解審驗紀功外續據委官知府鍾湘呈稱蒙調官兵先後兩月之間攻破長富村等處巢穴三十

餘處擒斬首從賊犯一千四百二十餘名顆俘獲賊屬五百七十餘名口奪回被虜男婦五名口燒燬房屋三千餘間奪獲牛馬賊仗無算卽今脇從餘黨悉願攜帶家口出官投首聽撫安插本職遵照兵部奏行勘合并巡撫都察院節行案牌事理出給告示發委知縣施祥縣丞余道招撫脇從賊人朱宗王翁景麟等一千二百三十五名家口二千八百二十八名口俱經審驗安插復業緣繇呈報到道轉呈到臣及據廣東按察司分巡嶺東道兵備僉事等官顧應祥等會呈遵依本院案驗委官統領軍兵會同福建剋期進勦隨奉本院進兵方略當卽遵依揚

言班師二面出其不意從牛皮石嶺鄴隘等處分爲三哨鼓噪
並進賊膽顧不服望風瓦解節據指揮楊昂王春通判徐璣陳
策義官余黃孟等各報稱於本年正月二十四等日剋破古林
木窖禾村大水山柘林等巢生擒大賊首張大背劉烏嘴蕭乾
及范端蕭玉卽蕭五顯薊劍蘇瑤賴隆等并擒斬首從賊犯乘
勝前進會同福建官軍尅期夾攻間探知大傘賊徒潰圍殺死
指揮覃桓縣丞紀鏞等情當卽進兵策應各賊畏我兵勢燒巢
奔走生擒賊首羅聖欽餘賊退入箭灌大寨合勢乘險併力拒
敵蒙委知縣張戩督同指揮張天杰分哨繇別路進兵攻彼白

土村赤石巖等巢直搗箭灌大寨諸賊迎戰我兵奮勇合擊遂
破箭灌當陣斬獲首從賊犯共計二百二十四名願俘獲賊屬
八十四名口及牛馬賊仗等物各寨賊黨聞風奔竄已散復聚
愈相連結各設機險以死拒守各職統兵分兵並進於三月二
十等日攻破水竹大重坑菁宅溪靖泉溪白羅南山等巢直搗
洋竹洞三角湖等處前後大戰十餘生擒賊首溫火燒張大背
雷振蔡晟賴英等并擒斬賊犯共一千四十八名願俘獲賊屬
八百三十八名口奪獲馬牛賊銀銅錢衣布器仗蕉紗等物前
後共計生擒大賊首一十四名擒斬賊犯一千二百五十八名

顯俘獲賊屬九百二十二名口奪獲水黃牛馬一百三十九頭
四賊仗衣布等物共二千一百五十七件疋葛蕉紗九十六觔
一兩賊銀三十二兩四錢八分銅錢一百四十二文各開報到
道收審緣繇呈報前來卷查先爲急報賊情事准兵部咨該本
部題已經福建廣東總鎮巡按等衙門都御史陳金御史胡文
靜等會議區處各該守巡兵備等官欽遵整備惶餉起調軍兵
約會進剿聞臣於本年正月十六日始抵贛州地方行事先於
本月初三日於南昌地方據兩省各官呈稟師期不同事體參
錯誠恐彼此推調致誤軍機當臣備遵該部咨來事理具開進

兵方略行仰各官協同上緊密切施行去後續據福建右叅政
等官艾洪等會呈指揮覃桓縣承紀鋪被大傘賊眾突出馬陷
深泥被傷身死及據各哨呈稱賊寨險惡天氣漸暄我兵遭挫
賊勢日甚乞要奏添狼兵候秋再舉備呈到臣叅看得各官頓
兵不進致此敗衄顯是不奉節制故違方略及照奏調狼兵非
惟日久路遙緩不及事兼恐師老財費別生他虞且勝敗繇人
兵貴善用當此挫折各官正宜協憤同奮因敗求勝豈可輒自
退阻倚調狼兵坐失機會臣當日卽自贛州起程親率諸軍進
屯長汀上杭等處一面督令各官密照方略火速進剿立功自

賈敢有支吾推調定以軍法論處一面查勘失事緣繇另行叅
奏聞隨據各呈捷音到臣叅照閩廣賊首詹師富温火燒等恃
險從逆已將十年黨惡聚徒動以萬計鼠狐得肆跳梁蛇豕漸
無紀極劫剽焚驅數郡遭其荼毒轉輸征調三省爲之騷然臣
等奉行誅勦三月之內遂克殲取渠魁掃蕩巢穴百姓解倒懸
之苦列郡獲再生之安此非朝廷威德廟堂成算何以及此及
照福建領兵各官始雖疎於警備稍損軍威終能戮力協謀大
致克捷論過雖有計功亦多其間福建如僉事胡璉叅政陳策
副使唐澤知府鍾湘廣東如僉事顧應祥都指揮僉事楊懋知

縣張戩才調俱優勞勦尤著伏乞俯從惟重之典以作敢戰之
風除將二省兵快量留防守其餘悉令歸農及將功次另行勘
報外原係捷音事理爲此具本題奏
閩廣之捷得力在不調狼兵速決進勦然必要識透情形機
權在我方可否則僥倖成功鮮不壞矣

三省夾勦捷音疏

據廣東按察司僉事等官王大用等呈正德十二年九月內據樂昌縣知縣李增稟稱賊首龔福全高快馬等不時出沒爲患近蒙軍門案驗內開三省會兵進勦緣照官兵未到誠恐各賊探知自分必死羣合四出攻劫不惟居民受害抑恐患及城池議要從宜設法以緩其勢待軍兵到日另行遵奉號令等因本職看得各賊俱係先前大征漏網招亡納叛蹤跡詭秘爲今之計必先誘其腹心以爲我用然後以次翦其羽翼庶以賊攻賊彼勢可孤而我患可保已經呈奉軍門議處誘法設致去後據

南寧書 卷之八
知縣李增報稱峽田山賊犯龍貴等十二名天塘賊犯陳滿等
十名各挈家赴縣首告願擒獲同伴解官於本年十一月二十
八日督同龍貴等計誘賊犯蕭緣等六十名十二月初二日陳
滿等計誘李廷茂等二十三名等因又據通判鄒級仁化縣知
縣李萼呈大賊首高快馬帶從賊一十五名賊婦二口潛住地
名癩痢寨深坑結巢藏住隨統民壯兵夫譚志澤等於閏十二
月初一日戌時進兵圍寨至初二日早本賊突出山頭迎敵追
至始興縣界各兵奮勇生擒高快馬卽高仲仁從賊三名賊婦
賊女各一口又據知府姚鵬等呈督率軍兵夫快陸續擒斬首

從賊犯李萬山賴永達等一千三百二十名願俘獲男婦七十
六名口奪回被虜男婦一十三名口又據知縣李增呈緝得賊
首李斌亡命在湖廣烏春山縣住密遣捕盜老人李攻瓚等星
夜潛至地名姜陽峒擒獲本賊緣繇到道轉呈到臣又據兵備
分巡嶺東道顧應祥等呈據領哨通判莫相等呈統漢達官軍
民壯打手人等刻期進剿上下橫溪關峒深峒等巢陸續擒斬
賊犯吳瑄鄧仲玉等共六百九十名願俘獲男婦三百九十五
名口奪回被虜男婦七口又據本官稟稱橫溪大賊首吳玠招
集亡命逯住地名東田村深山結巢稟蒙監督僉事顧應祥指

示方略密切發兵抵吳玠巢穴四面圍攻先用銃箭將吳玠打
倒擒斬玠等首從賊共十三名顆俘獲賊屬六口奪回被虜婦
女二口緣繇到道轉報到臣查得先准兵部咨爲地方緊急賊
情事該巡撫湖廣都御史秦金該本部覆題柳桂等處諸賊與
廣東江西諸峒連絡請勅兩廣并南贛總督巡撫等官會同尅
期進兵夾勦等因奉聖旨是都依擬行欽此又臣節奉勅諭但
有盜賊生發卽便嚴督各該兵備守巡并軍衛有司設法勦殺
隨宜處置欽此又准樂昌縣知縣李增稟稱賊首高快馬等八
白餘徒在地名櫃頭村行劫又據乳源縣稟稱賊徒千餘人在

洲頭街流劫及據湖廣郴州申賊首龔福全高仲仁等一起八
百餘徒出劫樂昌虜捉知縣韓宗堯一起七百餘徒出劫生員
譚明浩等家一起六百餘徒從老虎峒等處出劫一起五百餘
徒從興寧縣出劫等因各報到臣該臣叅看得兩廣總督總兵
等官雖已奉命行取回京然軍馬錢糧調度方略悉經區畫會
有成案本院見督官兵征勦涇頭等賊未能親往督戰除分兵
設策督令副使楊璋等四面防截外仰各官查照原議上緊依
期進勦毋得遲疑叅錯致誤事機一應臨敵制度俱在各官相
機順應或先離散其黨與或陰誘致其心腹聲東擊西陽背陰

襲勿據一議惟求萬全軍門遙遠不必一一呈稟反成牽滯今據前因除將各道呈報前項擒斬首從賊人賊級共二千八百九名顆俘獲賊屬併奪回被虜男婦五百四名口奪獲器械賊物一百三十二件把牛馬八十三隻匹仰各道逕送巡按紀功御史審驗紀錄造冊奏繳外叅照大賊首高仲仁李斌吳玠等稔惡多年敵殺官兵攻劫郡縣罪貫既盈今幸數月之間克遂殲殄此皆仰仗廟堂勝算及將士用命之所致也臣得因人成事真爲徼幸及照巡按紀功御史毛鳳振揚風紀作勵將士旣盡紀驗之職復多調度之方比於常格勞績尤異僉事王大用

顧應祥等監統督調備効勤勞都指揮王英歐儒知府姚鵬通判鄒級莫相知縣李增李莠皆身親行陣具歷艱難均合甄收普皆旌擢伏望皇上旣行大賞於朝復沛覃恩於下庶示激獎以勸後功臣以凡庸兼復多病繆膺地方之責屬征調四出不能身親督戰然賴總督諸臣先已有授方略領哨諸將得以遵照奉行戮力効死竟收完績雖無共濟之功實切同舟之幸除先已具本請罪告病乞休外云云

報功疏不用誇飾直述事情極爲得體如近日動輒云異捷奇功真令人可汗

欽奉勅諭切責失機官員通行各屬

照得本院於本年六月十五日節該欽奉勅近該巡按福建監察御史程昌奏今年正月內被漳州南靖地方流賊殺死領軍指揮覃桓縣丞紀鏞射死軍人打手一十五名叅稱指揮高偉叅政陳策艾洪副使唐澤僉事胡璉都指揮李消失機誤事俱各有罪及極爾膺茲重寄責亦難辭等因下兵部議謂前項賊情自去年七月已勅彼處撫巡等官相機撫勦日久未見成功今反墮賊計喪師失事欲將高偉陳策等姑免提問各令在俸戴罪殺賊并降勅切責令爾立効贖罪朕皆從之勅至爾宜親

謂潮漳二府地方申嚴號令詳審機宜督同守巡領軍等官調
集官軍民快打手人役償運糧餉指授方略隨賊向往設法勦
捕其福建廣東江西官員悉聽爾節制有急督令互相策應約
會夾攻不許目分彼此執拘誤事如有不用命及遲誤供置者
宜照原奉勅內事理徑自拏問施行事有應與兩廣并江西巡
撫等官議處者公同計議而行務要處置得宜賊徒殄滅以靖
地方欽此欽遵外照得本院於本年正月十六日抵贛蒞事嘗
據福建叅政陳策僉事胡璉等呈為急報賊情事已經密具方
略行各官遵照約會廣東官兵尅期夾攻隨據各官呈稱指揮

置桓縣丞紀鏞在廣東大傘地方遇賊突出抵戰身死又稱象
湖可塘等寨係極高絕險自來官兵所不能攻乞添調狼兵俟
秋再舉等因到院叅看各官頓兵不進致此敗衄顯是不奉節
制故違方略正宜協憤同奮因敗求勝豈可輒自退阻倚調狼
兵坐失機會本院卽於當日選兵二千自贛起程進屯汀州一
面督令各官密照方略火速進勦立功自贖一面查勘失事緣
繇另行叅奏間隨據各官續呈遵奉本院紙牌密諭佯言犒眾
班師乘賊怠弛銜枚直搗攻破象湖等寨又經行令各官乘此
勝鋒速攻可塘破竹之勢不可復緩仍一面分兵搜擒餘獍毋

令復聚為姦本院亦自汀州進軍上杭期至賊寨親自督戰隨據各官復呈為捷音事開稱攻破巢穴三十餘處擒斬首從賊人一千四百二十餘名願俘獲賊屬五百七十餘名口燒燬房屋二千餘間奪獲牛馬賊仗無算即今餘黨悉願聽撫出給告示招撫得勝從賊人一千二百三十五名家口二千八百二十八名口乞要班師等因已經具本奏報去後今奉勅諭切責不勝惶恐待罪然猶幸其因人成事偶獲收功愧雖難當罪或可免隨又訪得各賊徒黨尚多逃遁諸巢餘孽又復萌芽果爾則憂患方興罪累日重深思其故恐是各官急於成功不能掃蕩

或是憚於久役為此隱瞞本院聞此實切慚懼即欲遵奉勅諭事理親至漳州體勘查處但今南贛盜賊猖獗方奉欽依夾勦師期緊迫軍馬錢糧必須調度勢難遠出又前項事情出於傳聞未委虛的合行查勘為此仰抄捧回司照依備奉勅諭及查照先今案驗內事理即委本司公正堂上官一員會同守巡該道官親詣漳州地方督同知府等官將已破賊巢逐一查勘前項強賊會否盡絕所獲賊首是否真正徒黨有無逃遁餘賊有無萌芽是否各官苟且隱瞞惟復別賊各另生發若賊首果已擒獲巢穴果已掃蕩是實取具各官不致遺患重甘結狀具錄

呈來如或有所規避欺蔽俱要明白聲說以憑察究施行若有脫漏殘黨或是別項流賊乘間嘯聚事出意外亦要從實開報就將防勦機宜作急議處停當相機行事一面呈來定奪毋得畏難推咎以致貽患地方

必如此有盜賊生發後地方官不敢隱瞞

告諭新民

爾等各安生理父老教訓子弟頭目人等撫緝下人但要勤爾農業守爾門戶愛爾身命保爾家室孝順爾父母撫養爾子孫無有爲善而不蒙福無有爲惡而不受殃毋以眾暴寡毋以強凌弱爾等務興禮義之習永爲良善之民子弟羣小中或有不遵教誨出外生事爲非者父老頭目卽與執送官府明正典刑一則彰明爾等爲善去惡之誠一則翦除莠莠免致延蔓貽累爾等良善吾今奉命巡撫是方惟欲爾等小民安居樂業共享太平所恨才識短淺雖懷愛民之心未有愛民之政近因督征

象湖可塘諸處賊巢悉已擒斬掃蕩任軍於此當茲春耕甚欲
親至爾等所居鄉村面問疾苦又恐跟隨人眾或致勞擾爾民
特遣官耆諭告及以布疋頒賜父老頭目人等見吾勤勤撫恤
之心餘人眾多不能遍及各宜體悉此意
勸諭真切讀之令人感泣

疏通鹽法疏

據江西按察司整飭兵備帶管分巡嶺北道副使楊璋呈據臨
江袁州等府萬安泰和清江宜春等縣商民彭拱劉常郭閏彭
秀連名狀告正德六年蒙上司明文行令贛州府起立抽分鹽
廠告示商民但有販到閩廣鹽貨緣南雄府曾經折梅亭納過
勸借銀兩止在贛州府發賣者免其抽稅願裝至袁臨吉三府
賣者每十引抽一引聞鹽自汀州過會昌羊角水廣鹽自黃田
江九渡水來者未經折梅亭在贛州府發賣每十引抽一引願
裝至袁臨吉三府發賣每十引又抽一引疏通四年官商兩便

正德九年十月內又蒙贛州府告示該奉勘合開稱廣鹽止許南贛二府發賣其袁臨吉不係舊例行鹽地方不許越境以致數年肩鹽禁絕淮鹽因怯河道逆流灘石險阻止於省城三府居民受其高價之苦客商阻塞買賣之源况廣鹽許於南漳二府發賣原亦不係洪武舊制乃是正統年間爲建言民情事奉總督兩廣衙門奏行新例如蒙將廣鹽查照南贛事例照舊疏通下流發賣萬民幸甚等因又據贛州府抽分廠委官照磨汪德進呈近奉勘合禁止廣鹽止許南贛發賣不許下流但贛州吉安地里相連水路不過一日之程今年夏驟雨泛漲雖有橋

船阻隔水勢洶惡衝斷橋索以致奸商計乘水勢聚積百船執持兇器用強越過後雖拏獲數起問罪不過十之一二又有投托勢要官豪夾帶下流發賣者又有挑擔馱載從興國贛縣南康等處小路越過發賣者其弊多端不禁則違事例禁止則勢所難行呈乞議處等因隨查得正德六年十一月二十七日設立抽分廠起至正德九年五月終止共抽過稅銀四萬八百四十餘兩續奉撫鎮衙門明文支發三省夾攻大帽山等處賞功軍餉并犒勞過狼兵官軍士兵口糧并取赴饒州征勦姚源軍前應用及起造抽分廠廳浮橋修理城池買穀上倉預備賑濟

及遵巡撫軍門批申借贛州衛官軍月糧等項支過稅銀三萬八千二百九十餘兩繇此觀之則地方糧賞之用歲費不貲而仰給於商稅獨重前項商稅所入諸貨雖有而取足於鹽利獨多及查得近爲緊急賊情事該兵部題奉欽依轉行議處停賞具繇呈報該木道會同分守守備衙門議得賊首謝志珊有名大寨三十餘處擁眾數萬盤據三省已經呈詳轉達奏聞動調三省官兵會勦去後及議得本省動調官兵以二萬爲率半年爲期糧餉等費約用數萬查得贛州府庫收貯前項稅銀除支用外止餘二千九百餘兩又是節催起解赴部之數續收銀兩

止有一千六百餘兩但恐不日命下剋期進勦軍行糧食所當預處及查得廣東所奏前項准行南贛二府販賣果係一時權宜不係洪武年間舊例合無查照先年總制都御史陳金便宜事例一面行令前商許於袁臨吉三府販賣所收銀兩少爲助給一而行令議處以備軍餉庶使有備無患不致臨期缺之候事少寧另行具題禁止等因據呈到臣看得贛南二府閩廣喉襟盜賊淵藪卽今具題夾攻不日且將命下糧餉之費委果缺之計無所措必須仰給他省但聞廣東以府江之師庫藏漸竭湖廣以偏橋之討稱貸既多亦皆自給不贍恐無羨餘可推若

南嶺書 卷之八
不請發內帑未免重利貧民然內帑以營建方新力或不逮貧民則窮困已極勢難復征及照前項鹽稅商人既已心服公私又皆兩便亦所謂不加賦而財足不擾民而事辦臣除遵照勅諭徑自區畫事理批行該道暫且照議施行候地方平定之日將抽過稅銀支用過數目另行具奏抽分事宜照例仍舊停止外緣係地方事理爲此具本題知

再請疏通鹽法疏

據江西按察司分巡嶺北道兵備副使楊璋呈備贛州府呈蒙備仰本府卽將正德十二年正月起至九月終止抽過稅銀及上猶龍用兩次用兵支過軍餉并今餘剩銀兩查報等因依蒙查得正德十一年十二月終止舊管銀三千五百七十四兩三錢一釐二絲一忽九微并新收正德十二年正月起至正德十三年九月終止共抽過商稅銀一萬六千七百八十八兩五錢八分七釐七毫五絲兩次用兵共用過銀四萬七千二百八十七兩二錢二分八釐四毫三絲八忽六微米九千九百四十九

石五斗六升九合四勺四抄穀五百三十九石四斗內除提督
南贛汀漳等處軍務都察院左僉都御史王守仁查發紙米價
銀八十九兩六錢巡撫江西等處地方都察院右副都御史孫
燧查發紙米價銀二千兩本道查發紙米價銀七千八百二十
兩二錢七分八釐六毫南贛二府查出在庫贓罰缺官柴薪等
項銀一萬九千五十九兩四分六釐六毫八忽三微外實支用
過商稅銀一萬八千三百一十八兩三錢三釐三毫三絲三微
見今餘剩銀二千四十四兩五錢八分五釐七毫五絲一忽六
微等因開報到道案查覓爲比例請官專管抽分以杜奸弊事

淮戶部咨該巡撫右副都御史周南題備仰本道照奉欽依事
理卽將所收商稅再行參酌從輕定議則例仍嚴加稽考務使
稅課所入隨多寡以爲數而不以多取爲能其廣東鹽課許於
南贛二府發賣不許再行抽稅袁臨吉三府不係舊例行鹽地
方不許到彼發賣所抽分商稅除軍餉聽巡撫都御史動支外
其餘不許擅動年終差人解部轉支光祿寺賒欠鋪行厨料果
品支用以省加派小民仍將再議過緣繇呈報施行等因行據
贛州府呈稱依奉將貢水該抽諸貨從輕定擬則例及開稱廣
東鹽引不許放過袁臨吉三府發賣等因備呈本院詳允出給

禁約及將餘剩銀二千九百六十七兩一錢八分二釐二毫三絲一忽九微行令起解聞隨據該府呈奉巡撫江西等處地方都察院右副都御史陳金批看得該府連年用兵之費所積不多近又定擬除減所入亦少况地方盜賊不時竊發別無堪動錢糧將餘剩稅銀暫且存留在庫以備軍餉等因已該前兵備副使陳良珊將自正德六年十一月二十七日立廠抽分起至正德十二年終止造冊差舍人王肅績該本職將正德十一年正月起至本年十二月終止造冊差舍人屠賢各奏繳訖本年九月二十六日抄奉提督軍門案驗准戶部咨備行本道照奉

欽依事理將廣東官鹽暫許袁臨吉三府發賣自今為始至正德十三年終止仍將先次未解并今次抽稅過銀兩支用過數目緣繇造冊徑自奏繳及造青冊齎送該部并本院查考除遵奉外查得正德十三年將終及上猶龍川兩處征勦事畢所據商稅收支應該造冊解繳借行該府查報去後今據前因查得南贛地方兩次用兵中間商稅實為軍餉少助然而商稅之中鹽稅實有三分之二為照南贛二府與廣東翁源等縣壤地接連近該兩廣具奏征勦前賊乘虛越境難保必無見今府庫空虛民窮財盡將來糧餉絕無仰給况此鹽利一止私販復生雖

有禁約勢所難遏與其利歸於奸人孰若有助於軍國合無轉
達將前項鹽稅著為定例許於袁臨吉三府地方發賣照舊抽
稅以供軍餉每年終依期造報餘剩之數解部轉發光祿寺支
用以省加派小民如此則奸弊可革軍餉有賴光祿寺供用亦
得少資誠所謂一舉而數得矣呈乞照詳轉達等因具呈到臣
查得接管卷內先為處置鹽鐵以充軍餉事江西布政司呈奉
總制江西左都御史陳金批查得廣西嶺北二道灘石險惡准
鹽不到商人往往私販廣鹽射利肥己先蒙總督衙門奏准廣
鹽許行南贛二府發賣仰令南雄照引追納米價類解梧州軍

門官商兩便軍餉充足當時止是奏行南贛不曾開載袁臨吉
三府合無遵照勅諭便宜處置暫將廣鹽許下三府發賣立廠
盤掣以助軍餉隨該布政司等官劉果等議稱委果於事有益
於法無礙具呈詳允批行遵照立廠抽稅等因續該戶部覆議
內開廣東鹽課許令南贛二府發賣不許到於袁臨吉三府備
行禁革外正德十二年正月十五日臣撫臨贛州隨據副使楊
璋呈稱奏調三省官兵夾勦上猶等巢糧餉所費約川數萬石
若不早行計慮必致有誤軍機查得前項鹽法准行南贛二府
販賣果係一時權宜不係洪武年間舊例合無查照先年便宜

南朝書 卷之八 五
事例行令前商許令袁臨吉三府販賣所收銀兩少備軍餉候
事少寧另行具題禁止等因呈詳到臣看得卽今調兵夾勦糧
餉缺乏遵照勅諭徑自區畫事理批行該道暫且照議施行候
平定之日照舊停止具題去後隨准戶部覆議將廣東官鹽暫
於袁臨吉三府發賣至正德十三年終止行該道官照前抽分
將稅課供給軍餉不許多取妄用至期照舊停止等因具題奉
聖旨是欽此欽遵已經轉行該道一體欽遵去後今呈前因爲
照袁吉等地方溪流湍悍灘石峻險淮鹽逆水而上動經旬月
之久廣鹽順流而下不過信宿之程故民苦淮鹽之難而惟以

廣鹽爲便自頃奉例停止官府但有禁革之名其實私鹽無日
不行何者因地勢之便從民心之欲非但不能禁之於私每遇
水發商舟動以百數公然蔽河而下如發機之弩官府羅卒寡
不敵眾袖手岸傍立視其過孰得而沮遏之故廣鹽行則商稅
集而用資於軍餉賦省於貧民廣鹽止則私販興而弊滋於奸
宄利歸於豪右此近事之既驗者今南贛盜賊雖已仰仗天威
克平巢穴然漏殄殘黨難保必無且地連三省千數百里之內
連峯參天深林蔽日其間已招之新民尙懷反覆未平之賊壘
多相勾聯乘間窺竊不時而有方圖保戍之策未有撤兵之期

南朝書
卷之六
三
况後山從化等處見在調兵征勦臣亦謬承方略之命師行糧
食勢所必然今府庫空虛民窮財盡若鹽稅一革軍餉之費苟
非科取於貧民必須仰給於內帑夫民已貧而斂不休是驅之
從盜也外已竭而殫共內是復殘其本也矧內帑之發非徒緩
不及事抑恐力有未敷臣竊以為宜開復廣鹽著為定例籍其
稅課以預備軍餉不時之急積其羨餘以少助內府缺乏之需
實亦公私兩便內外兼資夫聚斂以為功臣之所素耻也措克
以招怨臣之所不忍也况臣廢疾日深決於求退已可苟避地
方之責但其事勢不得不然若已革而復舉是遺後人以所難

而於職守為不忠矣願皇上憫地方之瘡痍哀民貧之已甚慮
軍資之乏絕察臣心之無他特勅該部俯采所議酌量裁處早
賜施行則地方幸甚

此舉不獨有裨軍餉抑亦俯順民情

南贛擒斬功次疏

據江西按察司整飭兵備帶管分巡嶺北道副使楊璋呈據統
兵等官南安府知府季墩呈解生擒大賊首一名陳日能從賊
林昶等二十七名斬獲首級十六顆俘獲賊屬男女十三名及
馬牛等物并開稱搗過禾沙坑船坑石圳上龍狐狸朱雀黃石
等賊巢七處燒死賊徒不計其數并房屋禾倉三百餘間南康
縣縣丞舒富呈解生擒大賊首一名鍾明貴從賊曾能志等二
十一名斬獲首級四十五顆殺死未取首賊一百一十七名俘
獲賊屬男女一十六名口及牛馬騾等物并開稱搗過石路坑

白水峒杞州坑旱坑茶潭竹籬皮袍樟木坑等賊巢八處燒死賊徒三百四十六名并燒燬房屋禾倉四百七十餘間贛縣義官蕭庠呈解生擒大賊首一名唐洪從賊蒲仁祥等六名斬獲首級并射死賊徒一百三十八名燒燬賊巢房屋禾倉一百二十間及俘獲牛羊器械等物并開稱搗過長龍雞湖楊梅新溪等處賊巢四處各緣緜到道隨據統兵官員并鄉導人等各呈稱自本年正月蒙本院撫臨以來募兵練卒各賊探知消息將家屬婦女什物俱各寄屯山寨林木茂密之處其各精壯賊徒晝則下山耕作夜則各迓山寨依奉本院方略於六月二十日

子時各哨剋期進勦每巢止有二三十人或四五十人看守巢穴見兵舉火奮擊俱各驚潰間有射傷藥弩即時身死墮於深巖及據縣丞舒富義官蕭庠各回呈止有上猶縣白水峒石路坑二巢南康縣雞湖一巢險峻巢內賊屬頗多被兵四面放火攻進賊無出路燒死數多天明看視止存骸骨頭面燒燬莫辨以此難取首級等因案照先為緊急賊情事據上猶縣申稱四月間被鞫巢賊徒不時虜掠耕牛人口請兵追勦鄉民稍得蒔捕今早穀將登又聞各巢修整戰具出劫乞為防遏庶得收割聊生等因并據縣丞舒富及南安府呈大庾縣申同前事該本

道查得上猶縣鄰近巢穴則有旱坑茶潭杞州坑樟木坑石路坑白水峒竹壩州均陰本潭等巢南康縣則有長龍雞湖楊梅新溪等巢大庾縣則有狐狸坑船坑禾沙坑石圳上龍朱雀黃石坑等巢多則三五百名少則七八十名合無將本院選集之兵委官統領分投勦遏等因已經呈奉本院批看得各賊名號日漸僭擬惡毒日加縱肆若果遂其姦謀得以乘虛入廣其為患害關繫匪輕除密行南韶等府分兵防截外仰該道即便部勒諸軍定哨分委仍密召各巢附近被害知因之人堪為鄉導者前來分引各兵出城之時不得張揚今正當換班之月就令

真以下班為名晝伏夜行尅期各至分地掩賊不滿同時舉事分領各官務要嚴密奮勇竭忠以副委託如或推奸誤事及軍士之中敢有後期退縮者悉以軍法從事決不輕貸該道亦要親帥重兵隨後繼進密屯賊巢要害處所相機接應以防不測一應機宜務要慎密周悉仍要嚴緝各兵所獲真正賊徒不許濫加良善等因遵奉統領各兵刻期進勦及加謹防遏今據復呈前因通查得各哨共計生擒大賊首三名首從賊徒五十四名斬獲首級六十八顆殺死射死賊徒二百四十餘名燒死賊徒二百餘名搗過巢穴一十九處燒燬房屋禾倉八百九十餘

南贛書 卷之八 五
聞俘獲賊屬男女二十九名口水黃牛馬騾羊一百四十四頭
四隻所據各該領兵等官所報擒斬之賊數固不多而巢穴已
空無可棲身積聚已焚無可仰給就使屯集橫水桶岡大巢將
來人多食少大舉夾攻爲力已易等因轉呈到臣卷查先據副
使楊璋呈稱據南安府并上猶等縣及縣丞舒富各呈申訪得
大賊首謝志珊號征南王糾率大賊首鍾明貴蕭規模陳日能
唐洪劉允昌等約會樂昌高快馬等大修戰具并造呂公車欲
先將南康縣打破聞知廣東官兵盡調征勦府江就行乘虛入
廣等因已經批仰該道部勒諸軍酌量賊巢強弱派定哨分選

委謀勇屬官統兵密召知因向導引領晝伏夜行刻定於六月
二十日子時入各賊巢同時舉火併力奮擊務使噍類無遺去
後今據前因復勘得前項賊巢委果蕩平殆盡蓄積委果焚燒
無遺獲功解報雖少殺傷燒死實多猖熾之勢少謹不執之謀
暫阻居民得以秋穫地方亦爲一寧此皆遵依兵部申明律例
事理仰仗天威官兵用命之所致非臣之謀所能及也臣惟南
贛之兵素不練養見賊而奔則其常態今各官乃能夜入賊巢
奮勇追擊在他所未爲可異之功於南贛則實創見之事及照
副使楊璋區畫贊理比於各官勞勩尤多今夾攻在邇伏乞皇

上特加勸賞以作興勇敢之風庶幾日後大舉臣等得以激勵人心除將獲功人員量加犒賞生擒賊徒監候審決首級梟示俘獲賊屬領養牛馬賞給有功人員查審的確造冊奏繳外緣係斬獲功次事理爲此具本題知

得力全在密召知因爲向導否則貿貿而趨鮮有不敗然必
要知人善任方不爲奸所乘

管子云凡主兵者必先審知地圖輟輟之險濫車之水名山
通谷經川陵邱阜之所在苴草林木蒲葦之所茂道里之遠
近城郭之大小名邑園殖之地必盡知之地形出入之相錯

者盡藏之然後不失地利然非密召知因爲鄉導不能審知
地利不用重賞不能得知因鄉導之人不可不審也

議南贛商稅疏

據江西按察司分巡嶺北道兵備副使楊璋呈奉巡撫江西地方右副都御史孫燧案驗備行各道兵備等官有地方重大軍務益於政體便於軍民果係應議事件卽便條列呈報以憑施行等因隨據南安府呈繳本年春季折梅亭抽分商稅銀若干不見開有某商人某貨若干抽銀若干中間不無任意抽報情弊及看得一季總數倍少於前原其所自蓋因抽分官員止是典史倉官義民等項不惜名節惟嗜貪污兼以官職卑微人心頑視以致過往客商或假稱權要而夾放或買求官吏而帶

過及被店牙通同客商買求書算以多作少以有作無奸弊百端卷查前項抽分創於巡撫都御史金澤一則甦大庾過山之夫一則濟南贛軍餉之用題奉欽依遵行年久及查贛州龜角尾設立抽分廠建白於總制都御史陳金自正德六年十一月二十七日起至九年七月終止共抽過商稅銀四萬二千六百八十六兩六錢三分七毫五忽本省大帽山姚源華林盜賊四起大舉夾攻二應軍餉俱給於此並未奏動內帑之積亦未科派小民之財以此而觀則商稅之有益地方多矣緣贛州之稅正德十二年該給事中黃重奏稱廣貨自南雄經南安折梅亭

已兩稅矣贛州之稅不無重複已經勘明停止贛河之稅近復大舉夾攻軍餉仰給全在折梅亭之稅今所入如此非惟軍餉無益實惟奸宄是資隨會同分守左叅議黃宏議照得合將南安之稅移于龜角尾抽分既有分巡道之監臨又有巡撫之統馭訪察數多奸弊自少其大庾縣僱夫銀兩合該縣每季具印信領狀赴道批行贛州府支領支盡查算准令復支如此非惟大庾過嶺之夫不缺而軍餉之用大增合就會案呈詳等因據呈到臣看得南贛二府商稅皆因給軍餉裕民力而設折梅亭之稅名雖爲夫役而實以給軍餉龜角尾之稅事雖重軍餉

而亦以裕民力兩稅雖若二事其實殊途同歸但折梅亭雖已
抽分而龜角尾不復致詰未免有稅漏之弊若折梅亭既已抽
分而龜角尾又復致詰未免有留滯之擾况監司既遠胥猾得
以恣其侵漁頭緒既多彼此得以容其奸隙若革去折梅亭之
抽分而總稅於龜角尾則事體歸一奸弊自消非但有資軍餉
抑且便利客商蓋分雖異而於商稅事體無岐纖毫轉移之間
而於民商利害相去倍蓰除臣欽遵節奉勅諭一應軍馬錢糧
事宜俱聽便宜區畫事理將副使楊璋等所議令行該府一而
查照施行外緣係地方事理為此具本題知

地方未嘗無財不去用心籌算只是請內帑加賦稅安能濟
事此只舉商稅一轉移間而兵餉自足具見經濟手

批廣東按察司立縣呈

據副使汪玉呈稱云云卷查先爲圖靜邊方後患事准兵部咨云云續據湖廣按察司呈奉湖廣巡撫都御史秦案驗侯本院撫臨至日會行議處具奏定奪施行隨據副使汪玉呈云云看得立縣之舉今且三年而兩省會議猶是道傍之談似此往復不已畢竟何時定計自昔舉事須順人情凡今立縣專爲弭亂若使兩地人心未協遂爾執已見而行則是今日定亂之圖反爲異時起爭之本今江西安仁東鄉各縣紛紜奏告連年不息卽今徵矣除行該道兵備官土緊約會廣東各官親詣地方拘

集里老年高有識者備詢輿論務在眾議調停兩情和協就行相度地勢會計財力監督起工然後各自回任若使議終不合必欲各自立縣亦須酌裁適均要見廣東於高宿立縣都圖若干湖廣於色離立縣都圖若干城池高廣若干官員裁減若干異時賊役兩地逃躲若何區處盜賊彼時出沒若何緝捕一應事宜逐條開議須於不同之中務求通融之術不得徒事空言彼此推託苟延目前不顧後患異時追論致禍之因罪亦終有不免除批行湖廣該道兵備官查照外仰抄案回司會同布政司各行該道守巡守備等官約會湖廣各官面議停當一而會

計工料委官及時興工一面備繇開詳以憑覆奏毋再推延執拗致有他虞斷行泰究不恕仍行兩廣提督并巡按衙門查照催督施行

九平山寇設立縣治此是第一要策然地方交界處所每苦割地之難議論不齊多費調停大概如此


批湖廣兵備道設縣三

據整飭柳桂衡永等處兵備湖廣按察司副使汪玉呈稱本道接管看得議奏計處地方以弭盜賊事件內一件審處賊遺田地俱經查勘明白屬宜章者檢與該團領種屬臨武者各歸原主一桂陽者原議候設立大陂三堡撥給各堡軍兵項種續奉巡撫衙門批委同知魯玘再行踏勘計處一件添設屯堡以嚴防禦見奉提督衙門案驗區處其第一件設縣所以便撫禦最為緊要重大縣所既設則吏番有所歸着酌管可以掣散至於湓屯堡處巡司併縣堡審田地四事可以次第興行但先因廣

東守巡兵備等官所見或異致蒙該部請命提督大臣親詣勘
處又緣別有機務未卽臨勘至於今日本職竊意廣東各官快
無不肯勸和成事之心蓋因比時多事未暇細閱文書及查原
經委官止有同知魯玘見在原奉提督衙門行令徑自約會廣
東各官速將設縣事情及派屯所事宜查議除行同知魯玘前
去約會廣東該道委官議處本職仍親詣通中地方約會外理
合呈詳施行等因到院卷查先爲圖議遶方後患事准兵部咨
云云續據湖廣按察司呈秦巡撫湖廣都御史秦案驗云云候
本院撫臨至日會行議處其矣定奪施行各無苟且搪塞去後

今呈前因叅照前項立縣等事關係地方安危遠近人心懸望
恨不一日而成本院雖奉勅旨別有機務不暇親詣而該道前
任守巡各官皆有地方重責自當遵照晝夜經營却仍因循二
年之上尙未完報縱使國法可以僥免不知此心亦何以自安
今照接管副使汪玉久負體用之學素有愛民之心據所呈報
旣已深明事機洞知緩急遂使舉而行之固當易於反掌合再
督催以速成績爲此仰抄案回道卽往彼地約會各該道守巡
等官速將設縣等項事情議處定當具繇呈奪應施行者一而
施行務爲羣策畢舉之圖以收一勞永逸之績毋再因循仍蹈

前轍未便仍行都布按三司一體查照會議施行



28569

